

Miljö - Nix passiert (feat. Kempes Feinest)

Musik: Mike Kremer

Text: Mike Kremer, Nils Schreiber

© 2022 Edition Miljö / ROBA, Edition Arcade Island / ROBA

Schon en d'r Jrundschull fing et för mich aan
Jemerk, dat ich nur Auge för dich han
Wann ich dich soh, wullt ich d'r imponiere,
doch däht mich dobei miestens nor blamiere

Ich hatt jehoff, du luurs ens zo mer hin
doch ich gläuv, do häs mich nie jesinn
un et es...

**Nix passiert,
denn do wors nit aan mir interessiert
un doröm es och nix passiert
Unendlich off han ich et probiert,
nie es jet passiert - huh**

Do häss et domols einfach nit kapiert
Ich wor schon immer vun dir fasziniert
Keiner braht mich su wie do zom Laache
Nie jetraut, dä eetste Schritt zo maache

Ich hatt jedaach, do hätts mich nie jesinn,
un manchmol luurt' ich heimlich zo d'r hin,
doch et es...

**Nix passiert
Jedaach, do wörs nit interessiert
un doröm es och nix passiert
Worüm häss do et niemols probiert?
Nie es jet passiert**

*Sigg däm verjinge 15 Johr,
doch ich hat dich direk erkannt,
do bes em Rähn vorbei jerannt
Ich weiß noch, do hats nasse Hoor
Hat d'r ming Jack övverjelaaht
un dich zo dinger Bud jebraht
dann es endlich...*

Jet passiert

Do wors op eimol sehr interessiert

un et es endlich jet passiert

Wie off han mir et vürher probiert

un dann es endlich

jet passiert

Do wors op eimol sehr interessiert

un et es endlich jet passiert

Wie off han mir et vürher probiert

un dann es et passiert

Nananana - oh